



Inatsisartunut Ilaasortaq  
Ineqi Kielsen, Siumut

## Inatsisilerituunngorniarneq pillugu § 37 naapertorlugu apequtinnut akissut

03-12-2015  
Sagsnr. 2015 - 16148  
Dok. nr. 1690376

Asasara Ineqi Kielsen

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [iiknn@nanoq.gl](mailto:iiknn@nanoq.gl)  
[www.nanoq.gl](http://www.nanoq.gl)

Naalakkersuisut isumaqarput suliffeqarfinni akademerisut atorfinnik inuttaliinissatsinnut inuusuttortatta ilinniarnissaat pingaarteqartoq. Taamaaliornikkut nunatta ineriartorerani peqataavinnissaat qulakkiissavarput. Naalakkersuisut Ilinniartitaanermut Periusissiaanni 2015-imi allaqqavoq suliasanut aalajangersimasunut tunngasumik bacheloritut ilinniagaqarnissamik neqeroorutit amerlinissaat kiisalu ARTEK-imi periuseq ilisimaneqartoq atorlugu ingerlaqqulluni ilinniarnarit aqqissuussat amerlanerusut pilersinneqarnissaasa taperserseqarnissaa Naalakkersuisut kissaatigigaat. Taamaaliortoqassaaq ilaatigut nunat tamat akornanni atorneqarsinnaasumik Kalaallit Nunaanni ilinniartitaneq pitsanngorsarniarlugu saqqumilaartinniarlugulu.

Ilinniarnernik nutaanik pilersitsinissamik Iisimatusarfik pilersaaruteqarpoq. Suliniutit tapersernissaat Naalakkersuisut kissaatigaa, taamaalilluni ingerlaqqilluni ilinniarnernik naammassinninnissamat inuusuttortagut amerlanerusut periarfissaqarniassammata.

Akissummut uunga atatillugu Naalakkersuisut Iisimatusarfik oqaaseqaateqartippaat, tassani rektori Tina Pars imatut allappoq:

”Inatsisilerituunngorniartarnerup Iisimatusarfimmi qanoq pilersinneqarnissaa Iisimatusarfik isumaliuteqartuaannarpoq, ilisimatusarfiullu periusissiaani inuiaqatigiilerinermi inatsisilerinermik ilinniartitsinerup annertusarnissaa pillugu anguniagaq ilanngunneqarnikuvoq.

Iisimatusarfimmi inatsisilerituunngorniarneq pillugu isumaliutini assersuutigalugu ilaapput:

- Ilinniartut ikittut: Danmarkimi inatsisilerituunngorniarni kalaallit inatsisilerituunngorniartut ullumikkut ikittuararsuupput. Inatsisilerituunngorniarnilutik aallartittartut taamatut ikitsigitillugit inatsisilerituunngorniarnermik pilersitsisoqassava?
- Inatsisilerinermik ilinniartitsinerit suut ilinniarnermi pingaartinneqassappat, immikkut ilisimasaqalernissat sorliit kissaatigineqarpat, inuiaqatigiit sunik pisariaqartitsineruppat? Pisuussutinut tunngappat (aalisakkat, aatsitassarsiorfiit, imeq, imaq, kulturi aamma nunarsuarmi kingornussat), tassaappat sammisat eqqartuussiveqarnermut tunngasut (kredsdommerit, politiit,

eqqartuussissuserisut, pinerluttulerinerimi inatsisilerineq), inuinnaat pillugit inatsisilerineq (isumaqatigiissutiniq, taarsiitsiniartarnermik, suliffeqarfinnik, takornariartitsisarnermik killilersuinerit).

Ilinniartut nuatsinni ilinniarnermik aallartitillugit nunatsinnilu soraarummeernissamik periarfissillugit annertunerpaamik Kalaallit Nunaaniinnissaat anguniarlugu Ilisimatusarfik Aalborg Universitetimi inatsisilerituunngorniarnermi semesterip siulliup ingerlanneqarnissaa pillugu Ilisimatusarfik Aalborg Universitetimut 2013-imi suleqateqalerpoq.

Ukiut marluk tullerit qinnuteqaateqartitsisoqarpoq, ukiunilu marlunni taakkunani qinnuteqartut imatut ikitsigippat holdimik pilersitsinissaq imminut akilersinnaanani. Nalilerneqarpoq angalanernut, ineqarnermut assigisaannullu aningaasartuutissat annertuallaartut, taamaalilluni Nuummi semesteri siulleq ilinniartut toqqartarnagu. Taamaammat aqqissuussineq taanna ingerlateqqinneqanngilaq. Inatsisilerituunngorniartut Nuumi soraarummeernissamik aqqissuussinerimi periarfissinneqarnissaaq ingerlatiinnarneqarpoq.

Aalborgimut suleqatigiinnissamik isumaqatigiissummi” North Atlantic Law programme”-mi pikkorissarnerit ineriartortinneqarnissaaq aammattaaq periarfissinneqarpoq.

Tamassuma saniatigut oqaatigineqarsinnaavoq SDU-p inatsisilerituunngorniarnia ungasianiit ilinniartitsinikkut ingerlanneqarsinnaasoq ilinniartut Kalaallit Nunaanneersunit atoneqarsinnaanera pillugu rektori Syddansk Universitetimi juridisk institutumik ataatsimeeqateqarnikuusoq.

Soorlu ersittoq Naalakkersuisut ilinniartitaanermut periusissiaat malillugu inatsisilerinerimi nutaanik ilinniartoqarnissaanik pisariaqartitsineq Ilisimatusarfiup eqqumaffigaa, kisiannili inuusuttut inatsisilerinerimik ilinniarniarlutik Danmarkii universitetinukarnerusarput, taakkunani inatsisilerituunngornerit ingerlalluarlutik inatsisilerinermilu ilinniartitsissutini sammisaat siamasinnerusut tunngavigineqarlutik.

Naggasiullugu ilisimatitsissutigineqarsinaavoq kalaallit ilinniartut 28-t maannakkut inatsisilerituunngorniarniarlutik ilinniartut, taakkunannga pingasut Islandimi. Danmarkimi 22-t Bachelorinngorniarniarput, sisamat kandidatinnngorniarniarlutik marlullu Inuusutissarsiornermi inatsisilerituunngorniarniarlutik.

Inussiarnersumik inuulluaqqusilluta

Nivi Olsen